

**Bosna i Hercegovina  
Federacija Bosne i Hercegovine  
Srednjobosanski kanton  
Ministarstvo Privrede  
Travnik**

**Broj: 03-02-404/17  
Datum: 07.06.2018.godine**

**Organi uprave i upravne organizacije Srednjobosanskog kantona  
N/R ministrima, rukovodiocima**

**Općine na području Srednjobosanskog kantona  
N/R načelnicima i šefovima nadležnih službi**

**JU čiji je osnivač Srednjobosanski kanton/Jedinica lokalne samouprave sa  
područja SBK  
N/R direktorima**

**JP u većinskom vlasništvu Srednjobosanskog kantona/Jedinica lokalne  
samouprave sa područja Srednjobosanskog kantona  
N/R direktorima**

**Interresorna radna grupa Vlade Srednjobosanskog kantona za izradu  
zakonskog i podzakonskog okvira za JPP  
N/R članovima radne grupe**

**PREDMET: Poziv na konsultativne sesije za pripremu trogodišnjih i godišnjih  
planova potencijalnih projekata javno-privatnog partnerstva (JPP).**

Poštovani,

Vlada Srednjobosanskog kantona je u 2018 godini uz podršku USAID projekta jačanja institucija vlasti i procesa u Bosni i Hercegovini (SGIP), finalizirala novi zakonski okvir za javno-privatno partnerstvo (JPP), kojeg čine Zakon o javno-privatnom partnerstvu ("Službene novine Srednjobosanskog kantona", broj: 3/18), i Uredba o identifikaciji, pripremi, ugovaranju i praćenju implementacije projekata Javno-privatnog partnerstva donešena na 89 sjednici Vlade Srednjobosanskog kantona 24.05.2018.godine, a koja će stupiti na snagu osmog dana od dana objavljivanja u "Službenim novinama Srednjobosanskog kantona".

Glavni cilj u izradi novog Zakona o JPP Srednjobosanskog kantona bio je pojednostavljenje Zakona i pripadajućih procedura za uspostavljanje javno-privatnog partnerstva na području Srednjobosanskog kantona, tj. stvaranje boljih uslova i procedura za uspješnije ostvarivanje saradnje javnog i privatnog sektora na području Kantona, uz usklađivanje sa legislativom EU, kao i pravnim i razvojnim kontekstom u Bosni i Hercegovini.

Uvažavajući činjenicu da je model javno-privatnog partnerstva novina u teoriji i praksi javnog sektora u Bosni i Hercegovini, Ministarstvo privrede Srednjobosanskog kantona u saradnji sa USAID SGIP projektom, organizuje tri konsultativne sesije o

pripremi godišnjih i trogodišnjih planova potencijalnih projekata javno-privatnog partnerstva.

Konsultacije su namijenjene predstavnicima svih javnih tijela (organi uprave, upravne organizacije, javna preduzeća, javne ustanove) sa područja Srednjobosanskog kantona.

Konsultativne sesije će biti održane u:

- Kiseljaku u ponedjeljak ,18.06.2018.godine u sali općine Kiseljak, sa početkom u 11,00 sati
- Bugojnu u utorak, 19.06.2018.godine u sali općine Bugojno, sa početkom u 11,00 sati
- Travniku u srijedu, 20.06.2018.godine u sali Skupštine Srednjobosanskog kantona, sa početkom u 11,00 sati.

Na konsultativnim sesijama će biti predstavljen finaliziran zakonski okvir za JPP, identifikacija potencijalnih projekata JPP i postupak pripreme trogodišnjih i godišnjih planova potencijalnih projekata JPP-a. S obzirom da je do kraja jula 2018.godine planirana priprema i izrada prvog Kataloga potencijalnih projekata javno-privatnog partnerstva u Srednjobosanskom kantonu, koji će biti objavljen na bosanskom, hrvatskom, engleskom i njemačkom jeziku, neophodno je da sva javna tijela sa područja Srednjobosanskog kantona učestvuju na konsultativnim sesijama, kako bi dobili sve potrebne informacije vezane za identifikaciju potencijalnih projekata iz svoje nadležnosti i kako bi mogli pristupiti blagovremenoj pripremi svojih godišnjih i trogodišnjih planova kao osnove za izradu Kataloga.

Ovim putem Vas pozivamo da učestvujete u konsultativnoj sesiji po Vašem izboru kako bi se u svim jedinicama lokalne samouprave na području Srednjobosanskog kantona dobio što veći potencijal za razvoj novih projekata javno-privatnog partnerstva.

Zakon o javno-privatnom partnerstvu i Uredbu o identifikaciji, pripremi, ugovaranju i praćenju implementacije projekata Javno-privatnog partnerstva Srednjobosanskog kantona možete preuzeti na web stranici Vlade Srednjobosanskog kantona - Ministarstva privrede Srednjobosanskog kantona: [www.sbk-ksb.gov.ba](http://www.sbk-ksb.gov.ba)

Kako bi što više zainteresovanih javnih tijela uključili u konsultativnu sesiju, molimo Vas da ovaj poziv prosljedite javnim ustanovama i javnim preduzećima iz Vaše nadležnosti.

S poštovanjem,

Dostavljeno:  
- Naslovu  
- a/a

